

東醫寶鑑

卷四



訂正東醫寶鑑內景篇卷之二

御醫忠勤貞亮扈聖功臣崇祿大夫陽平君臣許浚奉教撰

血

陰血生於水穀

靈樞曰中焦受氣變化而赤是謂血又曰榮出於中焦又曰穀入於胃脉道乃

行水入於經其血乃成。內經曰榮者水穀之精氣也和調於五藏灑陳於六府乃能入於脉也故循脉上下貫五藏絡六府也

血爲榮

內經曰血爲榮榮於內目得血而能視足得血而能步掌得血而能握指得血而能攝。劉宗厚曰榮者水穀之精也生化於脾總統於心藏受

於肝宣布於肺施泄於腎灌溉一身目得之而能視耳得之而能聽手得之而能攝掌得之而能握足得之而能步藏得之而能液府得之而能傳注

之於脉少則澀充則實常以飲食日滋故能陽生
陰長取汁變化而赤為血也是故血盛則形盛血
弱則形衰矣

血為氣配

夫血譬則水也氣譬則風也風行水上有血
氣之象焉蓋氣者血之帥也氣行則血行氣

止則血止氣溫則血滑氣寒則血澀氣有一息之
不運則血有一息之不行病出於血調其氣猶可
以導達病原於氣區區調血何加焉故人之身
調氣為上調血次之是亦先陽後陰之義也
脉經曰脉得諸澀濡弱為亡血。脉訣曰諸證失
血皆見芤脉脉貴沉細浮大難治。正傳曰芤為
失血澀為少血又曰吐血之脉必大而芤大為發
熱芤為失血。靈樞曰衄而不止脉大者逆。內
經曰脉至而搏血衄身熱者死又曰腹脹便血脉
大時絕者死。難經曰病若衄血脉當沉細反
浮大而牢者死。仲景曰脫血而脉實者難治。
丹溪曰吐衄血脉滑數者難治。吐血衄血脉小弱

脉法

有生實大者矣。諸失血證脉大且數者逆

熱能傷血

凡熱皆出於心熱甚則能傷血熱出於心洗心散所不可闕方見火門熱能傷血四順清

涼飲方見火門又不可無也直指。丹溪曰諸見

血皆熱證所謂知其要者一言終是也又曰血見

熱則行見寒則凝凡口鼻出血皆係陽盛陰虛有

升無降血隨氣上越出上竅法當補陰抑陽氣降

則血歸經也。凡血得熱則淖溢故鮮得寒則凝

澁故瘀瘀者黑色也鮮者赤色也三因

七情動血

內經曰諸血者皆屬於心又曰大怒則形氣絕而血菀於上使人薄厥又曰怒則氣逆甚

則嘔血。怒氣逆甚嘔血暴癰內逆肝肺相搏則

血溢鼻口但怒氣致血證暴甚故經曰抑怒以全

陰者是也否則五志之火動甚火載血上錯經妄

行宜用保命生地黄散方見下丹心。內傷七情

者暴喜動心不能生血暴怒傷肝不能藏血積憂

傷肺過思傷脾失志傷腎皆能動血又曰五志火

動失血熱者解鬱湯虛者保命散方皆見下又曰大怒薄厥此怒傷肝而嘔血以黃連香附青黛柴胡甘州平其肝則自愈矣入門○暴喜傷心則氣緩而心不出血故肝無所受暴怒傷肝則氣逆而肝不納血故血無所歸又房勞過度以致陰火沸騰血從火起故錯經而妄行正傳

內傷失血

靈樞曰卒然多食飲則脹滿起居不節用力過度則陽絡脉傷陽絡脉傷則血外溢血外

溢則衄血陰絡脉傷則血內溢血內溢則後血○血出上七竅為血溢大小便便血為血泄內經

失血諸證

失血諸證妄行於上則吐血衄衰涸於外則虛勞忘返於下則便紅積熱膀胱則癃閉尿血

滲透腸間則為腸風陰虛陽搏則為崩中濕蒸熱

瘀則為滯下熱極腐化則為膿血火極似水則血色紫黑熱勝於陰則發為瘡瘍淫滯於血則發為

痛痒癰疹皮膚則為冷痺蓄之在上其人喜忘蓄

乏在下其人喜狂丹心○其從肺而上溢于鼻者

曰衄血從胃而上溢于口者曰嘔血吐血其咯血

唾血者出于腎也咳血嗽血者出于肺也其痰帶血絲出者或從腎或從肺來也其出于小便者曰尿血曰血淋其出于大便者曰腸風曰血痔正傳○從汗空出謂之肌衄從齒齦出謂之齒衄從舌出謂之舌衄從委中出謂之臑血從九竅皆出謂之九竅出血入門

辨血色新舊

新血鮮紅舊血瘀黑又曰風證色青寒證色黯暑證色紅溼證色如烟煤屋漏水入門

○陽證溢山鮮血陰證下如豚肝細目○初便褐色者重再便深褐色者愈重三便黑色者為九重色變者以火燥也如羊血在日色中須臾變褐色久則漸變而為黑色即此意也海藏

蓄血證

蓄血即瘀血積蓄也。傷寒熱病身黃尿黑如狂喜忘者為蓄血也景○海藏曰喜忘發狂身

黃尿黑疾已甚也但小腹滿小便不利者輕也。蓄血外證痰嘔燥渴昏聩迷忘常喜湯水漱口直○凡病日輕夜重便是瘀血又常喜漱水而不欲下咽入門。九蓄血有上中下之別以血嘔噦下

血為上部血結胃中為中部蓄血下焦為下部血蓄上焦則善忘宜犀角地黃湯方見下血蓄中焦

胸滿身黃漱水不欲嚥宜桃仁承氣湯方見傷寒

血蓄下焦則發狂宜小腹痛宜抵當湯丸須

取盡黑物為效方見傷寒又生地黃湯通治三焦

蓄血海藏。綱目曰瘀血燥結宜用玉蠟散方見

。下焦蓄血桃仁五靈脂生地黃大黃甘艸利而

逐之直指。沒藥蘼朮水蛭蟲五靈脂留尖桃

仁皆破瘀血本草。生韭汁

善治胸膈間瘀血甚效丹心

生地黃湯

治蓄血證脉沉細微膚冷臍下滿或狂或躁大便色黑小便自利老幼氣弱者宜

生地黃汁一升無則用生乾地黃二兩乾漆炒烟

盡半兩生藕汁半升無則用刺薊汁一升半生藍

葉一握剉無則用乾末半升蛭蟲二十箇炒水蛭

十箇炒大黃一兩剉桃仁研半兩右水三升同熬

至二升放冷分二服先服至半日許血未下再服

之此藥比抵當湯丸甚輕恐抵當丸下血不止故

以此湯主
乏海藏

血病吉凶

凡血逆行難治順行易治無潮熱者輕有潮熱者重潮盛脉大者死又曰凡竅出血身熱不得卧者即死又曰凡血證陽盛則身熱多渴陰盛則身涼不渴然血陰也身涼者易愈又曰如心肺脉破血若漏泉口鼻俱出者不治入門。靈樞曰淫而脫形身熱色夭然白及後下血衄血衄篤重是為逆又曰衄而不止脉大是為逆又曰咳且洩血脫肉其脉小勁是為逆又曰嘔血胸滿引背脉小而疾是為逆又曰腹脹便血其脉大特絕是為逆又曰咳洩血形肉脫脉搏是為逆。東垣曰諸見血身熱脉大者難治難治者邪勝也身涼脉靜者易治易治者正氣復也又曰血溢上行或嘔或嘔或吐皆凶也若變而下行為惡痢者順也上行為逆其難治下行為順其易治故仲景云蓄血證下血者當自愈若無病之人忽然下血利者其病進也今病血證上行而復下行為惡利者其邪欲

去是知言也。仲景曰吐血咳逆上氣脉數而有熱不得卧者死。無故忽然瀉下惡血名曰心絕為難治。傷寒太陽證衄血者病欲愈熱結膀胱而血自下者亦欲愈以此觀之則他病伏熱之人上焦瘀熱而作吐者亦其病之有夢也雖然血既吐而自止則可矣直指

亡血脫血證

靈樞曰鼻頭色白者亡血也又曰衝脉為血之海血海不足則身少血色面無精光

又曰血脫者色白夭然不澤其脉空虚。內經曰臂多青脉曰脫血又曰安卧脉盛謂之脫血。東

垣曰六脉弦細而澀按之空虚其色必白而天不澤者脫血也通用四物湯下方見三才丸

三才丸

補血虛天門冬熟地黃人參各等分右為末蜜丸梧子大每服百丸酒飲任下綱目

衄血

鼻通於腦血上溢於腦所以從鼻而出兼以陽明熱鬱則口鼻俱出也又曰衄血出於肺宜莎芎散

三黃補血湯雞蘓散陶氏生地苓連湯保命生地黃散通方見清衄湯解鬱湯門。丹溪曰衄血以涼

血行血為主犀角地黄湯入鬱金加片苓升麻。
東垣曰衄血出於肺犀角升麻梔子黃芩芍藥生
苳紫苑丹參阿膠之類主之。內經曰脾移熱於
肝則為驚衄又曰春善病軌衄又曰少陰所至為
衄衄又曰陽明厥逆喘咳身熱善驚衄吐血。衄
不止以麝香散及諸藥塞鼻又用止血諸方法。
傷寒當汗不汗熱盛迫血必為衄宜麻黃升麻湯
麻黃桂枝湯滑石丸鼻流涕久成衄宜犀角地黄
湯入門

蒹芎散

治衄血香附子四兩川芎二兩右為末每二
錢茶清調下不以時。丹溪心法芎附飲同

吞附開鬱行氣使邪火散於經絡川芎和血通
肝使血歸於肝藏血歸火散其血立止入門

三黃補血湯

治六脉虛芤而衄吐血升麻白芍藥各
二錢熟地黃一錢當歸川芎各七分半

生地黃柴胡黃芪牡丹皮各五
分右剉作一貼水煎服丹心

雞蘇散

治衄血不止乃肺金受相火所制然也雞蘇散葉黃芪生地黄阿膠珠白茅根各一錢麥門

冬苦荬蒲黃炒貝母炒桑白皮甘州炙各五分右剉作一貼薑三片水煎服兼以黃丹吹入鼻正傳

陶氏生地芩連湯

治鼻衄成流不止失血過多謔語失神閉目撮空不省人事生地黃

黃芩黃連梔子川芎赤芍藥柴胡苦荬犀角鎔甘草各一錢右剉作一貼大棗一枚同煎臨服以藕

汁磨墨汁調服入門

清衄湯

治衄血當歸赤芍藥生地黃香附子黃芩梔子側柏葉各一錢黃連七分赤茯苓苦荬各

五分生甘草二分藕節五箇右剉作一貼水煎入童便調服回春

解鬱湯

治衄血柴胡黃連黃芩黃芪地骨皮生地黄熟地黃白芍藥各一錢右剉水煎服入門

犀角地黄湯

治衄吐血不止及上焦瘀血面黃大便秘能消化瘀血生地黄黃三錢赤芍藥二

錢犀角鎊牡丹皮各一錢右剉作一貼水煎服入門。圓春加當歸黃芩黃連各一錢尤佳。

麻黃升麻湯

治傷寒表未解熱鬱作衄俗呼謂紅汗麻黃升麻赤芍藥黃芩石膏赤茯苓甘草各一錢右剉作一貼薑

三片水煎熱服微汗入門

麻黃桂枝湯

治傷寒不得汗作衄又治感寒衄吐血麻黃白芍藥黃芩甘草炙各一錢桂枝

當歸各五分麥門冬人參各三分五味子五粒右剉作一貼水煎服東垣

麝香散

治衄血不止白礬枯白龍骨各三錢麝香一分半右爲細末每用少許先以冷水洗淨鼻

內然後吹入鼻中或以溼紙蘸藥塞鼻尤妙得效。百州霜細末二錢水調服名曰黑神散又吹入

鼻中。衄不止蒲黃炒或血竭末或油髮灰末或人中白末並吹入鼻中本草

滑石丸

治傷寒不得汗以致鼻衄纔見血急用此止之滑石末飯丸梧子大每十丸微嚼破新水

止 立

止衄法

治鼻衄久不止諸藥無效神效以大白紙一

張或二張作十數摺冷水浸溼置頂中以熱

熨斗熨之至一二重紙乾則血立止東垣。治衄

百藥不止用線緊扎手中指中節如左鼻出血扎

右手中指右鼻出血扎左手中指如兩鼻出血左

右俱扎之一方用色線種杏。治衄不止白芨為

末冷水調塗山根上兩眉間也立止仍以冷水調二錢

服之尤妙又方大蒜一枚細研作餅子如錢大左

鼻出血貼左腳心右鼻出血貼右腳心如兩鼻皆

出貼兩腳心血止即洗去本草。洪寶丹治衄血

不止取藥冷水調塗後頂

上最絕血路方見四春

嘔血吐血

成塊有聲者為嘔成盈無聲者為吐入門。

嘔吐血出於胃實者犀角地黃湯虛者小建

中湯虛方見加黃連主之丹心。千金曰吐血有三

種有內衄有肺疽有傷胃內衄者出血如鼻衄但

不從鼻孔出是逆從心肺間流入胃中或如豆羹
汁或如切餅血凝停胃中因滿悶復吐或數斗至
一石者是也得之於勞倦飲食過傷也肺疽者或
飲酒之後毒熱滿悶吐之時血從吐後出或一合
半升一升是也傷胃者因飲食大飽之後胃不
能消化復煩悶強嘔吐使所食之物與氣共上衝
臍因傷裂胃口吐血鮮赤腹亦絞痛自汗其脉緊
而數者為難治。傷胃吐血宜理中湯方見加川
芎藭葛肺疽吐血宜葛黃丸內衄吐血實者三黃
瀉心湯加生地黃虛者茯苓補心湯人參救肺散
。仲景曰酒客咳者必致吐血此因極飲過度所
致即肺疽之屬也。暴吐紫黑血成塊者此因熱
傷血瘀於中吐出為好四物湯合黃連解毒湯方見
寒門調之又曰吐血覺胸中氣塞梔仁承氣湯方見
下之丹心。火載血上錯經妄行四物湯加山梔
童便薑汁薑汁童便吐血要藥也丹心。吐血火
病也雖挾痰只治火則血止入門。汗乃心液熱
則變紅而逆出上竅傷寒失汗則熱毒入藏化為

瘀血從口吐出多屬陽明凡眼目紅骨熱神昏在
譫胸腹急滿皆血證也輕者犀角地黃湯加黃芩
梔子茅根藕節重者桃仁承氣湯抵當湯丸方見寒門
入門。吐血宜大薊飲子蓮心散是齋白朮散天
門冬湯口鼻俱出宜四生丸蚌霜散黑神散側柏
散藕汁散七生湯清熱解毒湯花藥石散五神湯
狗膽

葛黃丸

一名葛連丸治飲酒多積熱以致吐衄血
者黃連四兩葛花二兩無則葛根代之右

為末用大黃末水熬成膏和
丸梧子大溫水下百丸回春

三黃瀉心湯

治吐血大作此乃熱之甚也大黃三錢
黃連黃芩各一錢加生地黃二錢右到

作一貼水煎服仲景。心氣不足吐衄血用瀉心
湯何也曰心氣獨不足則不當吐衄也此乃邪熱
因不足而客之故為吐衄以寒泄其
熱以苦補其心蓋兩全之義也東垣

茯苓補心湯

治勞心吐血白芍藥二錢熟地黃一錢
生當歸一錢三分川芎白茯苓人參前

胡半夏各七分陳皮枳殼苦蕒乾葛紫蘓葉甘艸
各五分右剉作一貼薑五片棗二枚煎服三因

人參救肺散

一名救脉散治虛勞吐血人參黃芪白
芍藥熟地黃當歸稍各二錢升脉宋胡

蒼朮陳皮蘓木甘艸炙各五
分右剉作一貼水煎服東垣

大薊飲子

一名大薊散治辛熱物傷肺胃嘔吐血名
曰肺疽大薊根桑白皮犀角升麻蒲黃炒

杏仁苦蕒甘艸各一錢右
剉作一貼水煎服丹心

蓮心散

治勞心吐血蓮子心五十箇糯
米五十粒右爲末酒調服得效

是齋白朮散

治飲食過度負重用力傷胃吐血白朮
二錢人參白茯苓黃芪各一錢山藥百

合各七分半甘艸五分煎胡柴胡各二分半
右剉作一貼薑三片棗二枚水煎服簡易

天門冬湯

治思慮傷心吐血衄血天門冬遠志白芍藥

黃各七分人參甘艸各三分右

剉作一貼薑二片水煎服濟生

四生丸

治吐血衄血陽乘於陰血熱妄行生荷葉生艾

雞子大每一丸水一盞煎服或鹽湯

化服丹心一方無荷葉有生薄荷

蚌霜散

治傷損吐血及酒食醉飽後低頭

搗損血妄行口鼻俱出方見諸傷

黑神散

治傷損大吐血口鼻俱出沒村鎬底百草霜

右為末每二錢糯米飲調服得效一方取三

錢冷水

側柏散

治內損心肺吐血下血其出如涌泉口鼻皆

流湏更不救則成服此即安側柏葉蒸乾二

兩半荆芥穗燒灰人參各一兩右為末每三

錢入白麩二錢新汲水調如稀糊啜服經驗